

**Բ. Հ. ԱՆԱՆԻԿՅԱՆ, Դաշնակցության զաղափարական-ֆաղափական կրա-  
խը, «Հայաստան» հրատարակչություն, Երևան, 1974, 408 էջ:**

Դրախոսվող մենագրությունը նվիրված է դաշնակցության զաղափարախոսության ու քա-  
ղաքականության համակողմանի մերկացմանը: Աշխատության առաջարանում ճիշտ և տեղին  
ընդգծված է, որ ժամանակի առաջադեմ մտածողները և առաջին հերթին մարքսիստները (Ստ.  
Շահումյան, Ս. Սպանդարյան, Ալ. Մյասնիկյան, Ս. Կասյան և շատ ուրիշներ) անհաշտ պայ-  
քար են ծավալել դաշնակցության ռեակցիոն զաղափարախոսության և կոռուտարներ գործելա-  
կերպի դեմ:

Դաշնակցության բուրժուա-ազգայնական զաղափարախոսության մերկացումը, ինչպես  
ճիշտ նկատում է Բ. Անանիկյանը, բացի տեսականից ունի նաև պրակտիկ նշանակություն թե՛  
ժողովուրդների բարեկամության ամրապնդման և թե՛ հատկապես երիտասարդության կոմու-  
նիստական դաստիարակության համար:

«Դաշնակցության դասակարգային էության հարցի շուրջը» զլխում հարուստ փաստական  
նյութերի հիման վրա ցույց է տրվում, որ դաշնակցության դասակարգային էության բացահայ-  
տումը կարևոր է և այն պատճառով, որ բուրժուական կուսակցությունների նման դաշնակցու-  
թյունը ևս ռեկլամային նպատակով անուններ է փոխ առնում, ժրագրեր դրում՝ մասսաներին մո-  
լորեցնելու և նրանց իր նպատակների իրականացման գործիք դարձնելու համար: Սակայն բուր-  
ժուական կուսակցությունները ինչքան էլ կեղծեն ու փորձեն թաքցնել իրենց դասակարգային  
էությունը, այնուամենայնիվ այն անմիջապես դրսևորվում է նրանց կոնկրետ գործերի և գործե-  
լակերպի մեջ: Վ. Ի. Լենինը գիտականորեն հիմնավորեց, որ քաղաքական կուսակցությունների  
դասակարգային էությունը, նրանց պայքարն ըմբռնելու հիմնական չափանիշը նրանց գործու-  
նեությունն է: «Էլպետը է հավատալ խոսքերին»,— սովորեցնում էր Վ. Ի. Լենինը,— այլ ուսում-  
նասիրել կուսակցությունների իսկական պատմությունը, ուսումնասիրել ոչ այնքան այն, ինչ  
որ ասում են կուսակցություններն իրենց մասին, այլ այն, ինչ անում են նրանք, ինչպես են  
վարվում նրանք զանազան քաղաքական հարցեր լուծելիս, ինչպես են վարվում նրանք այն  
գործերում, որոնք շոշափում են հասարակության զանազան դասակարգերի՝ կալվածատերերի,  
կապիտալիստների, գյուղացիների, բանվորների կենսական շահերը և այլն: Ե՞նչոք,— շեշ-  
տել է Վ. Ի. Լենինը,— հավատում են միայն տխմարները<sup>2</sup>, «...մի հավատացեք խոսքե-  
րին»,— գրել է Վ. Ի. Լենինը,— ստուգեցեք դրանք փաստերով<sup>3</sup>: Լենինյան այս դրույթով էլ  
աշխատությունում տրված է դաշնակցության դասակարգային էությունը:

Դեռևս 1906 թ. Ստ. Շահումյանն անդրադառնալով դաշնակցության ծրագրին, նշել է, որ  
այն ձևի համար արտագրված է նաբողոքական ծրագրից, բայց ոչ մի առնչություն չունի այն  
շարժման հետ, որի ղեկը փորձում է իր ձեռքը վերցնել դաշնակցությունը:

Հեղինակը դաշնակցության դասակարգային էությունը ճիշտ լուսարանելու համար անդրա-  
դառնում է նրա սոցիալական կազմի և բուն էության միջև եղած հակասություններին ու եզ-  
րակացնում, որ որոշակի ջրբաժան գիծ կար դաշնակցության շարքային մասսայի, որը մեծա-  
պես մանրբուրժուական էր, և նրա բյուրոկրատիայի միջև, որը միշտ կապված է եղել բուր-  
ժուադիալի հետ և հանդիսացել նրա շահերի պաշտպանը: Այս ջրբաժան գիծն էլ ելակետ  
դարձնելով՝ հեղինակը ճիշտ է բացատրում դաշնակցության դասակարգային էությունը, ցույց  
տալով, որ նրա սոցիալական կազմում մեծ տոկոս կազմող մասնը բուրժուազիան չէ, որ մշա-  
կել է նրա զլխավոր գիծն ու քաղաքականությունը: Միաժամանակ հեղինակը գտնում է, որ  
կուսակցության շարքային անդամների ներգործությունը ղեկավար օրգանների վրա չափազանց

1 Վ. Ի. Լենին, Երկեր, հ. 18, էջ 38:

2 Վ. Ի. Լենին, Երկեր, հ. 20, էջ 445:

3 Նույն տեղում, էջ 448:

աննշան էր: Վերջիններս, սակայն, չէին կարող ինչ-որ չափով հաշվի չառնել նաև այդ մասնայի պահանջները և անընդհատ մանևրում էին ու նրանց շահերի պաշտպանության պատրանք ստեղծում, որովհետև նրանք էին իրենց նպատակների իրագործման հենարանը: Հեղինակին հաջողվել է բազմաթիվ փաստերով հանգել այն ճիշտ եզրակացությանը, որ դաշնակցության տատանվողականությունը և անընդհատ գունափոխվելը բխում էին հայ բուրժուազիայի յուրահատուկ վիճակից: Դաշնակցության ղեկավարության այդպիսի վարքագծի նպատակն է եղել ապակողմնորոշել մասնաներին, նրանցից թաքցնել կուսակցության բուրժուական էությունը: Նա անընդմեջ մանևրել է, միայն թե ինչ գնով էլ լինի կատարի իրեն սնող դասակարգի՝ բուրժուազիայի պատվերը: Դաշնակցությունը երբեք չի շեղվել իր դասակարգային գծից: Նա եղել և մնում է բուրժուական կուսակցություն և միշտ դաշնակցել է բուրժուական կուսակցությունների հետ, ցարիզմի հետ, իմպերիալիստական տերությունների հետ և անհաշտ պայքար է մղել առաջադիմական ուժերի և սոցիալիզմի դեմ:

Գրքում համոզիչ կերպով ցույց է տրված, որ դաշնակցական դադափարախոսությունը հիմնականում ժխտելով դասակարգերի առկայությունն ու անխուսափելի դասակարգային պայքարը հայ իրականության մեջ, այսպես կոչված «ազգային միասնություն» քարոզելով հանդերձ միշտ էլ հետևողական դասակարգային պայքար է մղել հասարակության առաջադեմ ուժերի, պրոլետարական-հեղափոխական շարժումների և բոլշևիզմի դեմ: Կատարելով բուրժուազիայի դասակարգային պատվերները, գրքում է հեղինակը, առաջին պլան մղելով «համահայկական» խնդիրները, նա դաշինքի մեջ էր մտնում ունակցիոն ուժերի հետ, հայ ժողովրդին և նրա շարժումները փորձելով մեկուսացնել ընդհանուր հեղափոխական շարժումներից: Դաշնակցությունը հանդիսացավ Սովետական Ռուսաստանի երգվյալ թշնամին, սոցիալիստական հեղափոխության մեջ տեսնելով իր գոյության ժխտումը:

Դաշնակցությունը հրերք չի տատանվել սոցիալիզմի ու կապիտալիզմի միջև, միշտ մնալով վերջինիս բանակում: Սփյուռքում իր կեսդարյա գոյության ընթացքում նա ծառայել է բոլոր ունակցիոն ուժերին, այդ թվում նաև գերմանական ֆաշիզմին: «Դաշնակցությունը, — գրքում է հեղինակը, — հայ բուրժուազիայի հարազատ զավակն էր և իր էվոլյուցիայով հասավ մինչև միջազգային իմպերիալիզմի ագենտի աստիճանին» (էջ 93):

Դաշնակցության գաղափարախոսությունը գնահատելիս հեղինակը հիմք է ընդունել Վ. Ի. Լենինի այն նշանավոր դրույթը, թե իմպերիալիզմի դարաշրջանում գոյություն ունի միայն երկու գաղափարախոսություն՝ բուրժուական և սոցիալիստական:

Դաշնակցության գաղափարախոսությունն էկլեկտիկ ուսմունք է և ունի մի շարք ընդգծված կողմեր, որոնց վրա էլ կանգ առնելով՝ հեղինակը հարուստ փաստերի հիման վրա ցույց է տվել, որ դրանք ունեցել են միայն մի նպատակ՝ պաշտպանել հայ բուրժուազիայի շահերը, ամեն կերպ դրանք վերագրելով ամբողջ ազգին: Հեղինակը անհերքելի փաստերով ցույց է տվել, որ դաշնակցության գաղափարախոս Մ. Վարանդյանը և նրա հետևորդները, ատելությամբ լրցված մարքսիզմ-լենինիզմի նկատմամբ, փորձ անդամ չեն արել թեկուզ մակերեսորեն ծանոթանալու նրա հետ և գիտական սոցիալիզմի մասին ոչ մի հասկացություն չեն ունեցել:

Բ. Անանիկյանը մերկացնող փաստերով կարողացել է հիմնավորել, որ սոցիալիզմը դաշնակցության համար միայն ֆրազ ու թող է եղել: Ընդ պատահական չէ, որ իրեն «սոցիալիստական» հորդորող դաշնակցությունը երբեք չի մացավ, թե ինչ է դիտական սոցիալիզմը:

Մարքսիզմի նկատմամբ դաշնակցության երգվյալ թշնամանքը գրքում բացատրվում է նրանով, որ ինչպես ամեն մի բուրժուական կուսակցություն, այնպես էլ դաշնակցությունը մարքսիզմի գաղափարների և նրանց հաղթանակի մեջ տեսնում էր իր և իրեն սնող դասակարգի լիակատար բացառումը: Նա հատկապես ոչ մի կերպ չէր ուզում հաշտվել մարքսիզմի այն անկունաբարային դրույթի հետ, որ ամենահեղափոխական դասակարգը պրոլետարիատն է:

Հեղինակը ընդգծում է, որ դաշնակցական «տեսարաններ», որպես բուրժուական կուսակցության գաղափարախոսներ, ոչ միայն ժխտում են ընդհանրապես սոցիալիստական հեղափոխության պատմական անհրաժեշտությունը, այլև բացահայտ անտեսում, գիտակցաբար շրջանցում են հեղափոխության օբյեկտիվ նախադրյալների հարցը: Դա բացատրվում է նրանով, որ այդ հարցի գիտական հետազոտությունը նրանց կհասցներ գոյություն ունեցող հասարակարգի բացասման անհրաժեշտության ընթանմանը:

Բ. Անանիկյանին լիովին հաջողվել է սպառնալ մերկացնել դաշնակցության գաղափարախոսության հակադիտական դիրքորոշումը պրոլետարիատի դիկտատուրայի, բանվոր դասակարգի հեղեմոն դերի և գյուղացիության հետ նրա դաշինքի գնահատման հարցերում, բացա-

հայալի բուրժուական գաղափարախոսության զինանոցից դաշնակցության փոխ առած այն դրպարտությունների բուն իմաստը, թե, իբր, կոմունիստները, մարքսիստները ուղում են վերացնել հայրենիքը, ազդությունը:

Դաշնակցության գաղափարախոսները, ինչպես ճիշտ նկատում է գրախոսվող աշխատության հեղինակը, չէին ուղում հասկանալ, որ զիտականորեն հիմնավորելով պրոլետարիատի միջադպրության համերաշխության գաղափարը, մարքսիզմի կլասիկները միաժամանակ որոշակիորեն ընդգծել են, որ բանվոր դասակարգի ինտերնացիոնալ պարտականությունները երբեք էլ չեն հակասում նրա ազգային խնդիրներին: Վ. Ի. Լենինը դարդացնելով ազգային ու ինտերնացիոնալիստական միասնության մարքսիստական տեսակետը, միաժամանակ ընդգծում էր ազգային առանձնահատկությունները հաշվի առնելու անհրաժեշտությունը: Ավելին, նա ազգային հարցը համարում էր դասակարգային պայքարի և սոցիալիստական հեղափոխության կարևոր հարցերից մեկը:

Հեղինակը գիտելով, որ մոտենալով ազգայնականության գնահատման հարցին և հիմք ունենալով մարքսիզմի հիմնաքարային դրույթները, միանգամայն իրավացիորեն ցույց է տալիս, որ ազգայնականությունը բուրժուազիայի դասակարգային գաղափարախոսությունն է: Միանգամայն իրավացիորեն նա ընդգծում է, որ դաշնակցության գաղափարախոսությունը բուրժուա-ազգայնական է: «Ազգատյաց նացիոնալիզմը,— գրում է հեղինակը,— որ գալիս է դաշնակցության կադավորման ժամանակաշրջանից, իր արտացոլումն է գտել նրա բոլոր գաղափարախոսների գործերում, բոլոր ժամանակներում» (էջ 181): Բ. Անանիկյանին հաղորդվել է բազմաթիվ ու բազմապիսի փաստերով ցույց տալ և հիմնավորել, որ այդ ռեակցիոն ազգայնականությունն իր ամբողջ ուժով դրսևորվել է հատկապես մեր ժողովրդի համար բախտորոշ պահերին:

Բնութագրելով դաշնակցության ազգայնականությունը, հեղինակը բազմապիսի փաստերի հիման վրա եզրակացրել է, որ այն իր սուր ծայրով առաջին հերթին ուղղված էր մյուս ժողովուրդների աշխատավորական խավերի դեմ: Այս հարցում հեղինակը հանգում է այն ճիշտ հետևությունը, որ դաշնակցության գաղափարախոսները, կանգնած լինելով իդեալիզմի հողի վրա, չեն կարողացել տեսնել հասարակության զարգացման ազդակները:

Բ. Անանիկյանը միանգամայն ճիշտ է նկատում, որ դաշնակցությունը ազգային հարցը գիտել և դիտում է ծուռ հայելու մեջ, իսկ պրակտիկայում ամբողջովին գտնվում է վերլուծատարիզմի գերության մեջ: Հեղինակը ցույց է տալիս, որ տառացիորեն ոչ մի տարբերություն չկա դաշնակցության գաղափարախոսության և հակակոմունիզմի ցանկացած գաղափարախոսի հայացքների միջև: Լիակատար համոզմունքով պետք է ասել, գրում է հեղինակը, որ ոչ միայն էություն իմաստով, այլև մանրուքներում այդ գաղափարախոսությունների միջև որևէ տարբերություն չկա:

Աշխատության հեղինակը կարողացել է ցույց տալ, որ դաշնակցության գաղափարախոսները միշտ էլ կանգնած են եղել պատմության մեջ անհատի և հասարակության դերի գնահատման հակադրական դիրքերում: Նրանք ժխտել են ժողովրդական մասսաների վճռական գերը պատմության մեջ և հետևողականորեն փորձել են այդ տեսակետը տարածել հայ իրականության նկատմամբ: Նրանք երբեք չեն հավատացել հայ ժողովրդի ստեղծագործ ուժին ու բանականությանը, նրա մեջ տեսել են միայն բնազդներով շարժվող զանգված և այն օգտագործել իբրև իրենց նպատակների կենսագործման միջոց: Դաշնակցության գաղափարախոսները, ժխտելով մասսաների վճռական դերը պատմության մեջ, հավատարիմ սուբյեկտիվ իդեալիզմին՝ հայ ժողովրդին դիտել են իբրև պասսիվ մի ամբողջ և միակողմանիորեն բարձրացրել անհատի դերը:

Մեծ Հոկտեմբերը ռուսական կայսրության ճնշված ու հարստահարված բոլոր ժողովուրդների, այդ թվում և հայ ժողովրդի սրտում ապրելու ու հաքատեելու կրակ վառեց: Անդրկովկասի աշխատավորները, բոլշևիկների գլխավորությամբ, առաջիններից լին, որ արձագանքեցին սոցիալիստական մեծ հեղափոխությանը. սակայն քնած չէին նաև հակահեղափոխական ուժերը, որոնք իրենց իմպերիալիստ տերերի թելադրանքով, դավաճանելով սեփական ժողովուրդներին, ոչ միայն Անդրկովկասը անջատեցին սովետական Ռուսաստանից և թշնամական դիրք բռնեցին նրա նկատմամբ, այլև դարձրին բարեկամ անդրկովկասյան ժողովուրդների միջև աննախադեպ թշնամանք սերմանեցին: Նույն այդ տերերի թելադրանքով ու ստեղծված իրադրության ճնշմամբ 1918 թ. մայիսի 28-ին Հայաստանը հայտարարվեց «անկախ», իսկ դաշնակցությունը դարձավ կառավարող կուսակցություն: Դաշնակցության հենց այդ տարիներ-

րի գործունեությունն է նվիրված աշխատության IV գլուխը: Փաստական նյութի խոր վերլուծությամբ հեղինակը ցույց է տվել, որ իր տիրապետության ամբողջ շրջանում դաշնակցությունն ի վիճակի չեղավ լուծելու սոցիալ-տնտեսական որևէ խնդիր, որովհետև, ինչպես նկատել է Ալ. Մյասնիկյանը, նրա տնտեսական քաղաքականության սկզբունքը կողոպուտն ու հափշտակվածի խժռումն էր: Դաշնակցության տիրապետության տարիներին, իրավացիորեն նշում է հեղինակը, մի կողմում հարյուր-հազարավոր դիակներ էին, մյուս կողմում՝ կողոպուտ, կաշառակերություն, դողություն ու շահագիտություն, Այս էր դաշնակցության «անկախ» հանրապետության իրական պատկերը:

Ծրկրի քաղաքական իրավիճակը խիստ որոշակի էր. մի կողմում թշնամական Թուրքիան էր իր ադրեսիվ, հայաչինչ ծրագրերով, իսկ մյուս կողմում՝ դարերով կողք-կողքի ապրած բարեկամ ժողովուրդները, որոնց ազգայնական կուսակցությունների հետ դաշնակցությունը հաշտ էր միայն Սովետական Ռուսաստանի դեմ պայքարելու հարցում: Հայ ժողովրդի համար օրհասական պայմաններում դաշնակցականները հույսերը կապեցին իմպերիալիստների հետ: Սրանով դաշնակ պարագլուխների հակահեղափոխական քաղաքականությունը շահամանափակվեց: Տերերի թևադրանքով նրանք սերտ կապերի մեջ մտան Դենիկինի հետ: Բ. Անանիկյանը բազմաթիվ փաստերով լիովին հիմնավորում է, որ դաշնակցության արտաքին քաղաքականությունը եղել է Անտանտի առաջ կույր լակեյությունը, ամենասանձարձակ ու վայրագ ավանտյուրիզմը հարևան ժողովուրդների և ատերությունը Սովետական Ռուսաստանի նկատմամբ:

Աշխատության հեղինակին հաջողվել է փաստերով հիմնավորել, որ դաշնակցությունն այն կուսակցությունը չէր, որ հաշվի առնել ստեղծված օբյեկտիվ իրավիճակը, հայ ժողովրդի տերամադրություններն ու ցանկությունները, զգար պատմության առաջընթացը, ընդունել իր սնանկությունը և դիմել խոհեմ միջոցների: Նա, ընդհակառակը, խեղդեց փառապանծ Մայիսյան ապստամբությունն ու առաջին պլան մղեց տեղորի պրակտիկան: Սակայն այդ ճիգերն անկարող եղան կասեցնել հեղափոխության ալիքը, որը 1920 թ. նոյեմբերի 29-ին տապալեց դաշնակցության տիրահալակ տիրապետությունը:

Գրախոսվող աշխատության մեջ ճիշտ է մեկնաբանված պատմական այն իրողությունը, որ տապալված դաշնակցությունը չհաշտվեց Հայաստանում հաստատված սովետական կարգերի հետ և նորից սկսեց մանևրել, խարդախել, բայց ուշ էր. բազմաշարժար հայ ժողովուրդը Սովետական Ռուսաստանի և եղբայրական մյուս ժողովուրդների անշահախնդիր օգնությամբ ձեռնամուխ էր եղել Հայաստանում սոցիալիզմի հիմքերի կառուցման գործին:

Աշխատության արժանիքներից է նաև այն, որ նրանում հիմնովին մերկացված է երկրից ճողոպրած դաշնակցական բյուրոկրատիայի՝ կապիտալիստական ամենառեակցիոն ուժերին ստրկամտորեն ծառայելու Դաշնակցությունը ծառայագրվեց իմպերիալիզմի հակասովետական գործունեությանը: Նա այժմ իմպերիալիզմի համար ոչ միայն ձայնափողի դեր է կատարում, այլև կատարում նրա բոլոր առաջադրանքները, «սակայն, — ինչպես իրավացիորեն գրում է հեղինակը, — ժամանակները փոխվել են և ոչ միայն դաշնակցության ավանտյուրիզմը, այլև միջազգային իմպերիալիզմի ողջ քայքայիչ գործունեությունը անզոր են փոխելու իրերի երկաթյա տրամաբանությունը, ետ շրջելու պատմության անիվը» (էջ 244):

Բ. Անանիկյանին ըստ ամենայնի հաջողվել է աշխատության վերջին՝ «Իմպերիալիզմի պաղափարական ծառայության մեջ» գլխում ցույց տալ, որ դաշնակցությունն ամեն ճիգ գործադրում է սեպ խրելու ոչ միայն հայ և ռուս ժողովուրդների, այլև հայ և սովետական մյուս ժողովուրդների եղբայրական բարեկամության մեջ, ինչպես նույնիսկ բուրժուական պաշտոնական գաղափարախոսությունը ստիպված է երբեմն-երբեմն ընդունել և հաշվի առնել ՍՍՀՄ ժողովուրդների բարեկամության ուժը, ապա դաշնակցությունը բացեիքաց, առանց որևէ հիմքի հայտարարում է, թե այդ ժողովուրդների միջև իրական բարեկամության մասին խոսք լինել չի կարող:

Դաշնակցությունը չի կարող տանել ՍՄԿ XXIV համագումարի պատմական որոշումներից բխող այն հետևությունը, որ մեզ մոտ հաստատվել և ռեալ իրականություն է դարձել մարդկանց պատմական նոր ընդհանրությունը՝ սովետական ժողովուրդը: Դաշնակցականներին ըստ երևույթի անհասանելի է պատմական այն իրողությունը, որ «Ազգային հարցը, այն տեսքով, ինչպես նա մեզ հասավ անցյալից, լուծված է լիակատար կերպով, լուծված է վերջնականապես և անդառնալիորեն»<sup>4</sup>:

4 Լ. Բ. Բրեժնև, ՍՄԿ 50-ամյակի մասին, Երևան, 1973, էջ 16:

Սակայն ամենայն դրվատանքի արժանի այս աշխատությունը ավելի կշահեր, եթե չլիներ որոշ թերություններ։ Այն մասնավորապես կշահեր, եթե տրվեր աղբյուրների ավելի մանրակրկիտ ու բազմակողմանի տեսություն։ Դաշնակցության գաղափարախոսության և դորժիակերպի առանձին կողմերի մասին ժամանակին լույս են տեսել մի շարք աշխատություններ։ Շահական կլիներ, որ հեղինակը թններ և արժեքավորեր դրանք։ Ցանկալի կլիներ, որ աշխատության մեջ բարձրացված հարցերը թնվեին դաշնակցության և ժամանակի մյուս հայ բաղադրական կուսակցությունների գործունեության ընդհանուր ֆոնի վրա։ Դա ավելի կնպաստեր այս կամ այն հարցում դաշնակցության վարած հակաժողովրդական բաղադրականության մերկացմանը։

Նշված գիտությունները ամենևին չեն նսեմացնում գրախոսվող աշխատության գիտաբաղադրական նշանակությունը։ Այնտեղ փաստական հարուստ և անփնդելի տվյալների լայն օգտագործմամբ, մարքսիստական մեթոդոլոգիայով ըստ ամենայնի թնարկված և գիտականորեն մերկացված են դաշնակցական կուսակցության գաղափարախոսությունը, բաղադրականությունն ու ժողովրդակործան գործունեությունը, տրված է նրա կրախը։ Բ. Անանիյանի մեկնադրությունը պրոբլեմների ընդդրկմամբ, դրանց համակողմանի լուսարանմամբ, իր արդիական ու բաղադրական նշանակությամբ լուրջ ներդրում է սովետահայ պատմա-փիլիսոփայական գրականության մեջ։

Ա. Մ. ՊՈՂՈՍՅԱՆ

Պատմական գիտությունների դոկտոր, պրոֆեսոր